



Andamaint d'üna controlla da sgürezza

Scha El / Ella sco possessor / possessura ha survgni **l'annunzcha da Lur impraisa da rait electrica** per la controlla da Lur installaziuns electricas, es El / Ella in dovair d'incumbenar ad ün cusgliader da sgürezza independent per far quista controlla.

Per la **controlla da Lur installaziun electrica** sto il cusgliader da sgürezza avair l'access liber pro tuot las installaziuns electricas. Dürant la controlla poja dar cuortas interrupziuns dal provedimaint da forza electrica, cha nus cunvgnin precisamaing ouravant cun El / Ella. Nus Til / Tilla supplichain, da serrar giò e decontectar eir ils apparats electrici chi nu vegnan dovrats.

A nus esa consciaint cha nus entrain aint in Lur locals privats e da büro, perquai faina nossa lavur adüna cu nil plü grond respet e cun la precauziun la plü gronda pussibel.

Nus controllain **tuot las installaziuns electricas** in chasa, in l'abitaziun, in la gestion ed our il liber. L'attach da la chasa e las partiziuns electricas, las büschlas da contact, ils apparats d'il-lüminaziun ed ils apparats installats fix sco la macchina da lavar o la platta electrica vegnan eir controllats. Specialmaing controllaina las masüras da protecziun sco la terraziun, ils interruptuors da lingias da protecziun, las sgüranzas, ils interruptuors da protecziun per la forza electrica mangluossa ed ils deductuors da surtensiun.

Schi fa dabsögn, manaina tras üna **masüraziun da l'isolaziun, per constatar il stadi da l'incablaziun electrica**.

Ils resultats da quista controlla vegnan notats in ün **protocol da masüraziun e controlla**. Schi nu vegnan constatats **ingüns defets** survain El / Ella üna **cumprouva da sgürezza**.

Schi vegnan **constatats defets** lura vain scrit ün rapport da controlla, ingio cha'ls defets vegnan notats. Quist defets sun da laschar reparar tras üna **firma electrica** decisa da El / Ella **infra ün temp determinà**. Davo la reparatura dals defets survain El / Ella üna cumprouva da sgürezza.

Quista cumprouva da sgürezza sto El / Ella trametter a Lur impraisa da rait electrica. La consegna da la cumprouva da sgürezza po gnir fatta eir da nus scha El / Ella giavüscha quai.

La cumprouva da sgürezza sto gnir missa in salv d'ürant üna perioda da controlla.